

## AGENDRE MIGU FAMAKAO YESU

MIGGU, 09 MARET 2024

### 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

**Fangowai** :

**SA** : Ya'ami banua niha Keriso ni'omasi'ö Zo'aya ya'ita Yesu Keriso. No tarugi migu Wanörö tödö Famakao Yesu ma'ökhö, ma'owai ami: Ya'ahowu !

**SATO** : Ya'ahowu !

**SA** : Ya faofao khömi Lowalangi...

**SATO** : Ya fao Khöu Geheha-Nia

**Fogaoni** :

**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 7**

### 7. KHÖU KHÖU YEHOWA MANUNÖDO

1

do = bes 4/4

MM = 96 - 104

1. Khö-Ukhö-U Yehowa manunödo, me lö famaedo-Mö Lowalangi.

Utandrösaigö khö-U zinunö, abölö' ö ndra' odo Eheha-U

Ená fefu wanunögu andrö, oi ba döi Yesu Keriso manö.

2. Dönisido khö-Mö he Yesu, ya khö-U manö sa' ae wa' aurigu.

Ya so ba dödögu Geheha, sangila mamasao ya' odo khö-U.

Afu' afugu lö uböhöli, wanggalulu khö-Mö, Sangorifi.

### 2. FANGA'ARO'Ö WA'OWULO (VOTUM)

**SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

**SATO** : YADUHU

**SA** : Na'i'angaröfi li ndra'o, ba Ufondrondrongo khönia, awönia ndra'o ba wamakao; U'efa'ö ia ba teturia ube'e. U'abusoi'ö ia fa'anau noso, ba anehe ia wangorifi andrö khö-Gu Ube'e. **HALELUYA.....**

**SA** : **Manunö** : BZ. : 452

**HALELUYA...HALELUYA...HALELUYA.....**

**SA** : Mangandrö ita :

He Yehowa Lowalangi, Ama sahakhö tödö ba sebua fa'omasi, si no umbu howuhowu ba fa'auri. Itörö tödöma wamakao Zo'aya ya'aga Yesu Keriso, No Ölulu nono-U omasiö ba danga zokhö horö: te'o'aya, tefakao, teforöfa ba mate börö horöma. Fahaö ndra'aga, fa'aboto ba dödöma ngawalö horö si no mafalua. Abölö'ö ndra'aga wolawa fa'abölö nösi, ena'ö mo'ahonoa ndra'aga ba wamalua somasi Nama, ba khö Zo'aya ya'aga Yesu Keriso ba ba Geheha Ni'amoni'ö, Yaduhu. **(Mudadao zato)**

### 3. MANUNÖ moroi ba Mbuku Zinunö Numero 320

#### 320. SANGODALIGÖ LOWALANGI 1

do = bes 4/4

MM = 88 - 96

1. Sangodaligö Lowalangi, ba sanötöna khö-Nia.  
Da ' ö zi falukha fa' auri, he iya ' e, he dania.  
Andrö Yehowa zaʷatö ha Ya ' ia dötönafo.
2. Asese so zangaröngarö, nifobörö gisö' isö.  
Me lö lafuli khö Yehowa, wa lö lingalinga dödö.  
Andrö fefu da tasao' ö, gakaolada ba wangandrö.

#### 4. FOMBASO TAROMA LI LOWALANGI FAMÖRÖGÖ (AF)

- : Da tafondrongo daroma Li Lowalangi, tehalö moroi ba zura **Gesitera 5:1-8**
1. **Ba me no aefa dua wongi, ba i'obaru mbaru wo'omo razo Esitera, ba i'agö golayama tánö bakha, ba gödo razo, ba gamaudu gödo, me no dumadao ba dadaoma razo khönia razo, yomo ba gödo, ba gamaudu mbawandruhö ba gödo.**
  2. **Ba me i'ila wo'omonian Esitera, tou ba golayama, razo, ba ebua dödönia khönia, ba i'oro'ö khö Gesitera zi'onian ana'a, si so ba dangania, razo. Ba i'ondrasi Esitera, ibabaya mbalö zi'o.**
  3. **Ba imane khönia razo: Hadia khöu, fo'omo razo, Esitera, hadia ni'andröu? He irege zi matonga gamatöröwagu, ba latehe khöu!**
  4. **Ba imane Esitera: Na atulö khö razo, ba yamöi manga khögu ma'ökhö, awö Hamano, ba gö andrö, si no u'asiwai khönia.**
  5. **Ba imane razo: Mita'ita'i mihede khö Hamano, ena'ö ma'o'ö zomasi Gesitera! Ba me no so razo, awö Hamano, ba wemanga gö andrö, ni'asiwai Gesitera,**
  6. **ba imane razo khö Gesitera, me ibadubadu nagu razo: Hadia ni'andröu, ena'ö labe'e khöu? Hadia zomasi'ö? He irege zi matonga gamatöröwagu, ba latehe khöu!**
  7. **Ba itema linian Esitera, imane: Da'ö ni'andrögu ba da'ö zomasido:**
  8. **na no falukhado wa'ebua dödö, wamaigi razo, ba na omasi razo ibe'e ni'andrögu ba itörö khögu zomasido, ba yamufuli möi manga khögu razo, awö Hamano, ba gö andrö, ni'asiwaigu khöra dania, ba mahemolu u'o'ö niwa'ö razo.**

Simanö daroma Li Lowalangi, da tatema'ö faoma sinunö: BZ.Numero 20:1

### BZ. No: 20. MISUNOSUNO ZO'AYA

do = g, 4/4  
MM = 96 - 104

1. Misunosuno Zo 'aya, mi bè zumange-Nia.  
Mi 'ebua ' ö döi-Nia, sotöi banua-Nia.  
Me no Ikaoni göi ami, afu mitemawa'au ri, khö Yesu, Sangorifi.

#### 5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

#### **Mangandrö ita :**

He Ama, Lowalangima sebua fa'omasi. Masuno ba ma'angaröfili Ndra'ugö Yehowa. Möiga ma'ondrasi Ndra'ugö ba nahia ni'amoni'ö, ya'aga niha si no ra'io. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. No ambö ndra'aga ba wangomasi'ö Ya'ugö soroi dödö. Asese olifu ndra'aga wangandrö saohagölö ba howuhowu-Mö si no matema, ba no arörö ndra'aga ba gisö'isö dödö ba guli danö andre. Si tekiko ndra'aga ba

horöma. Andrö ha fa'ahakhö dödö Nama ni'andröma. Bologö dödö-U khöma ba be'e aefa khöma horöma.....

- SATO** : Mangandrö ba dödö zamösana föna Lowalangi.....1 irugi 2 meniti.
- SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
- SATO** : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : "Si manö sa wa'omasi Lowalangi nösi gulidanö, no Ibe'e Nono-Nia andrö, si ha sambua, ena'ö lö tekiko dozi samati khö-Nia, ena'ö so khöra wa'auri si lö aetu. LAKHÖMI KHÖ LOWALANGI SI YAWA.....
- SATO** : Manunö:

## 450. BA FA'ATULÖ BA GULIDANÖ

do = d 4/4

MM = 74 – 84

1. Ba fa'a tulö ba gulidanö ba niha ni'omasi 'ö andrö  
(mudadao zato)

### 6. FOMBASO TAROMA LI LOWALANGI FÖNA HUHUUO (AB)

- : Da tafondrongo daroma Li Lowalangi, tehalö moroi ba zura **Luka 7:1-10**
1. Ba me no i'o'ozui fehu huhuonia, nifondrongo niha, ba möi ia miyomo ba Gafanauma.
  2. Ba so zofökhö, onali mate, sawuyu gumandra, somasi ia.
  3. Ba me irongo Yesu sokhö, ba ifatenge khönia zatua niha Yehuda, ifa'andrö'ö khönia, ena'ö möi ia mu'orifi zawuyunia.
  4. Ba me falukha ira Yesu, ba laforege wangandrö khönia, lamane: Tola sa ö'o'ö khönia da'ö;
  5. me no sangomasi'ö ya'ita, ba no ya'ia zolau khöda omo zekola andrö.
  6. Ba möi Yesu, fao ia khöra. Ba me no ahatö sa'ae ia ba nomo, ba ifatenge zi fahuwu khönia kumandra andrö, imane: He Tua! böi akao ndra'ugö, ambö sa ndra'o, möi'ö ba nomogu.
  7. Andrö göi uwa'ö tödögu, tenga si nangea möi ndra'o khö; ba hede manö ha sambua li, ba döhö wökhö zawuyugu.
  8. Ya'odo göi, ba no niha, si so barö mbawa zalawa ndra'odo, ba so barö mbawagu zaradadu, ba na umane ba zi samösa: Ae'e, ba mofanö ia, ba ba zi samösa: Aine, ba i'ondrasido; ba na uwa'ö khö zawuyugu: Halöwöu da'ö, ba ihalö.
  9. Ba me irongo da'ö Yesu, ba ahölihöli dödonia khönia, ba ibali'ö ia ba niha sato, solo'ö ya'ia, imane: Uwa'ö khömi, ba Ndraono Gizeraëli na i, ba lö nisöndragu famati si manö.
  10. Ba me mangawuli ba nomo zinenge no mege, ba no döhö wökhö zawuyu andrö, fönara.

Ya'ahowu zamondrongo taroma li Lowalangi ba same'e ba dödö.

- SA+SATO** : Yaduhu

### 8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasombata Persembahan Kasih. Ba si föföna ua da tafondrongo Li Lowalangi me imane:

- ❖ Ba da'õ niwa'õgu: Na so zangatalisi tanõmõ, ba lõ oya'oya ibasi, ba na so zi lõ alimagõ tanõmõ, ba oya gõi ibasi dania. Ba balazi dõdõ zamõsana; bõi abu dõdõ, ba tenga niforege; si no aoha gõlõ fame'e, da'õ sa zomasi Lowalangi. (II Kor.9:6-7).

Tafa'ema wasõmbata khõ Lowalangi, manunõ ita moroi ba Mbuku Zinunõ  
**Numero 267**

## 267. HA YA' UGÖ, YESU 1

do = c 4/4

MM = 96 - 104

1. Ha Ya' ugö, Yesu, usunosuno.  
 Me fahõna wa ' omasi, si tebai olifudo.  
 Ya ' e gõi ndra' odo, da möido enoni-Mõ Keriso.
2. Ha Ya' ugö Yesu, nitõngõnigu.  
 Me samatörö ya' odo, sagötö fa' aurigu.  
 He sokhõ ya' odo, da möido enoni-Mõ Keriso.
3. Ha Ya' ugö Yesu, zomasi ndra' o.  
 Me sangefa' ö horögu, ba tebai olifudo.  
 Me lõ khõgu sulö, da möido enoni-Mõ, Keriso.
4. Ha Ya' ugö, Yesu, wangorifigu.  
 Ba samehulu tödõgu, wogamö saWatögu.  
 Ohahau dõdõgu me no khõ-U ndra' o sindruhundruhu.

SA

:

*Na no awai la'owuloi/lafa'ema wasõmbata, ba owulo tanõ furi zangowuloi Fasõmbata, lafendrongagõ wolohe fõna fasõmbata, ba la'o'õ gõfanõwa note zinunõ ( irama lagu ).Fatua lõ möi ira wolohe fõna, ba imane Sangai Agendre:)*

“Da tafasao wasõmbatada andre fõna Lowalangi,.....Muzizio ita fefu.....  
 Manunõ ita moroi ba Mbuku Zinunõ numero 261

## 261. YA'E ZUMANGE 1

do = d 4/4

MM = 62 - 68

**Ira'alawe**

1. Ya ' e zu-ma-nge fa-sõmbata, ma ' o-he sumange Yehowa.  
**Iramatua**  
*Reff*  
 Ma'andrö khõ-U fa-ho-wu'ö zu-mange ni 'o- hema khõ-Mõ
2. Ya'e zumange fasõmbata mabe'e soroi ba dõdõma.  
*Reff*: Ma'andrö khõ-U ....
3. Ya'e zumange fasõmbata buala si'otarai Nama.  
*Reff*: Ma'andrö khõ-U ....
4. Ya'e zumange fasõmbata, boto, noso, ba fa'aurima  
*Reff*: Ma'andrö khõ-U ....
5. Ya'e zumange fasõmbata, lõ irugi zomasi dõdõ-U.  
*Reff*: Ma'andrö khõ-U ....
6. Ya'e zumange fasõmbata, ma'aohasi gõlõ Zo'aya.  
*Reff*: Ma'andrö khõ-U ....

**FANGANDRÖ** : *( Fangandrö nidõnia'õ fasamõsa zangowuloi fasõmbata, aefa da'õ ba lafa'ema ba Danga zangai huhuo, itema'õ sangai huhuo awena itou'õ ba dete meza. Ba na so Wasõmbata si sambua ni'ofulu, owasa wanaru ma owasavvamasi, bñ ba itema'õ sangai huhuo si fao taroma Li Lowalangi si faudu ba wasõmbata ni'owuloi andrö )* **Mudadão Zato**

### 9. KOOR/VOKAL GROUP

SA : Da tafaogõ dõdõda ba wanuno Lowalangi faoma sinunõ ni'olohesi:  
 Koor ba Vokal Group  
 a. Koor Jemaat

- b. Kegiatan Koremda
- c. Kegiatan Sektor 2 (Koor/Vokal Group)
- d. Kegiatan Kom. Bapak
- e. ....
- f.

**10. MANUNÖ  
SA**

- : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

**163. UHONOGÖ SIBAI DÖDÖGU**

do = a, 4/4

MM = 76 – 82

1. Uhonogö sibi dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

**11. HUHUA SEBUA  
SH**

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi *Roma / Roma 10:16-21 (Tuho :Famati Soroi ba Wamondrongo / Iman Timbul dari Pendengaran)*
- b. Fanuriaigö
- c. Nitanö ba dödö. *Roma / Roma 10:17 (Tobali moroi ba duria wamati andrö, ba turia andrö, ba moroi ba daroma li Keriso. / Jadi, iman timbul dari pendengaran, dan pendengaran oleh Firman Kristus.)*
- d. Fangandrö Fanga'aro'ö huhuo

- SATO** : Manunö : BZ. Numero 154 : 1

**154. NO MAFONDRONDRONGO LIU<sup>2</sup>**

do = es 4/4

MM = 96 - 104

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**12. TUHO WAMATI  
SA**

- : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. **ANGOMBAKHATA BA MBANUA NIHA KERISO**

**SA** : Da tafondrondrongo gangombakhata:.....

**MANUNÖ**

**SA** : Manunö ita moroi ba Mbuku Zinunö **numero: 210 ayati 1-2**

210. **MAMATIDO KHÖU YESU**

Lala : Masuno' ö Yehowa ( No. 3 )

do = f 3/4

MM = 96 - 104

1. Mamatido khö-U Yesu, wa si lö faröi Ndra' ugö.  
Te ' ala wa ' aurigu, na ya ' odo zamatörö.  
Yesu, u ' andrö khö-Mö, be ' e wa ' anau gölö.
2. Mamatido khö-U Yesu, he fahöna wanandraigö.  
Wa lö Ölulu ndra' o, ba ngawalö zagafökhö.  
Andrö wa lö ubato, wangandrö soroi dödö.

14. **FANGANDRÖ SALAHI + FAMATENGE + HOWUHOWU**

**SH** : Muzizio ita fefu, mangandrö ita :.....(totohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

**SH** : **FAMATENGE + HOWUHOWU** :  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

**SATO** : Manunö BZ.Numero 210 ayati 3

210. **MAMATIDO KHÖU YESU**

Lala : Masuno' ö Yehowa ( No. 3 )

do = f 3/4

MM = 96 - 104

3. Mamatido khö-U Yesu, fatörö manö ndra' odo.  
Ba zomasi Ndra' ugö, gofu heza Ö' ohedo.  
Me lö sanolo ya' o, baero Yesu Keriso.

**SH** : YA'AHOWU

**SATO** : YA'AHOWU